

'S Hirn rudschd en d' Hos'

Er machd uf jong - mit Hüfdaschwong
Kopiert Elvis, James Dean, Alain Delon
Ond 's Hirn rudschd Etaga diafr - rigoros - en d' Hos'...

Er sengd em Bad - frissd bloß Salad
Er pfeifd uf sei' Kreiz und er übd Schbagad
Ond 's Hirn rudschd Etaga diafr - rigoros - en d' Hos'...

Dääglich Fiaß küssa müssa
Dääglich schdandfesched em Nesched
Dääglich Schmugg fir sei' Schmuggscheidung
Dr Juwelier jubilierd...

Er richded sei' Noas' - drainierd sei' Bloas'
Er schluggd dausend Pilla zur Ich-Balance
Ond 's Hirn rudschd Etaga diafr - en d' Hos'...

Er pushd sei' Lusched - dräägd Modegrusched
Er bsorgd a Toupet fir sei' Heldabrusched
Ond 's Hirn rudschd Etaga diafr - en d' Hos'...